



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joan. Henrici Meibomii De Cervisiis potibusque &  
ebriaminibus extra vinum aliis Commentarijs**

**Meibom, Johann Heinrich**

**Helmeftadii, 1668**

Caput Decimum Sextum.

**urn:nbn:de:hbz:466:1-10160**

sermonem notat Cluverius. Ab *oëla* Jo. Isaacius Pontanus Glossario Prisco-Gall. *Celiam* Hispanorum derivat, ut sit quasi *Oelia*, abiecta c litera, quod sæpe in aliis dictionibus ait fieri solere: ut ita *oëla*, sit primum *oëlia*, deinde *coelta*, sive *celia*. Hadrianus Junius in Hollandiæ descript. 9 *Oelandiam* Danorum insulam, antiquitus dictam autumat à potus iam dicti hordeacei & lupulacei bonitate: qua in 10 re tamen refellitur ab Isaacio, qui eam ab *oë* derivat, quod *insulam* Danis ait significare. Lingua Gothica vero cervi- 11 siam *buska* vocari, scribit Olaus Magnus Hist. Septemtr. lib. XIII. cap. xxvi. quod nominis non multum abit à *phusca*, de qua paullo ante vidimus.

## CAPUT DECIMUM SEXTUM.

### SUMMARIÆ.

1. Potus ignotiores alij. 2. Collatum, Iuritheum. 3. De istis locus Gregorij Pontificis. 4. de Collato locus Isidori. 5. id à vase, in quo continetur nomen accepit. 6. Calpar, vinum à vase itidem dictum. 7. Balnea, vilis potus in Græcia. 8. de eo Luitprandi Cremonensis locus. 9. quid sit, ex coniectura adfertur. 10. Paximacium obiter explicatum. 11. Curisia, potus olim Turcarum.

Sunt vero & potuum nomina alia, incertum tamen, an 1 ad vina pertineant, an ex frugibus fuerint parata, ac solo ferenomine nobis nota. Ex iis primo occurrunt *Colla-* 2 *tum*, *Iuritheum* & *Cognidium* à Gregorio Magno Pontifice ita appellata, qui anno Christi 109e. dignitatem suam fuit adeptus. Locus est lib. v. epist. xxxiix. ad Elogium E- 3 piscopum Alexandrinum. *Quia collatum, inquit, ac Iuritheum non libenter bibo, presumens Cognidium requiro: quod in hac urbe post multa tempora Vestra innotescere transfæcto anno Sanctitas fecit. Nam nos hic à negotiatoribus no-*

4 *men Congnidij, & non substantiam comparamus.* Verum de  
 collato magis in eam propendeo sententiam quod vinum,  
 vel ex vinea fuerit potio, non frumentacea. Isidorus sane  
 5 Orig. lib. xx. cap. III. inter vina recensuisse videtur, & *co-*  
*latum* vocat, atque à vase, in quo servabatur, nomen ac-  
 cepisse autumat. *Colatum*, inquit, *vas proprium nuncupa-*  
*vit, in quo defertur.* Nec prorsus insolens fuit olim, vinum  
 6 à vase, in quo continetur, nomen accipere. Testis Varro  
 est lib. I. de vita Pop. Rom. de vino, *Calpar* dicto, quod à  
 vase cognominatum scribit. *Antequam*, inquit, *nomen*  
*dolij prolatum esset, quum id genus vasis calpar diceretur, id*  
*vinum calpar appellatum.* De *Juritho* & *Congnidio* nihil  
 habeo dicere, nec quo referam potus istos scio; solo nomi-  
 ne notos. *Congnidium* tamen potum Ægyptium, vel vi-  
 num fuisse conjicio, quum ab Episcopo Alexandrino illud  
 innotuisse scribat Gregorius. Conjecturis aliis, & longius  
 7 petitis indulgere nolo. Vilissimum vero & insuavem po-  
 tum quendam, recentiori Græciæ quibusdam in locis usi-  
 ratum invenio, quem Latino nomine *Balnea* vocarunt.  
 Eum ex frumento, additis radicibus herbisque decoctum,  
 8 ac propterea insuaviorem fuisse credo. Etenim & hodie  
 deliciores ægroti & nauseabundi, decoctiones medico-  
 rum, licet salutes, nec prorsus ingratas, si non ab ægro  
 sed sano biberentur, *balnearem potionem* vocare solent.  
 Et schmeckel wie Baderkraut. Meminit potus ejus Luit-  
 prandus Cremonensis in Legatione ad Nicephorum Pho-  
 cam Imp. Constantinopolitanum, quam nomine Ottonis  
 9 I. seu Magni obiit, de Græcorum Episcopis scribens: *Solis*,  
*inquit, mensula assident nuda, paximacium sibi apponentes,*  
*balneaq, tunc vitro per modico non bibentes, sed sorbillantes.*  
 Et paullò post: *Parcus, cupidus, allio, cape ac porris vescens,*  
*balnea bibens.* Atque iterum: *Non proderit tibi balneum,*  
 quo

*quote assidue potas in amore beati Iohannis praecursoris.* Ubi 10  
 obiter nota, *paximacium* esse panem sex unciarum, eius  
 duplici portione contenti quotidie esse iubebantur sacerdo-  
 tes Aegyptii, ut docet Ger. Jo. Vossius lib. III. de vitiiis serm.  
 cap. xxxiii. Vix alium fuisse potum crediderim, quem *Cur-* II  
*siam* vocat Haithonus, monachus Armenus, & regis Ar-  
 meniae consanguineus, qui anno Dominicæ incarnationis  
 c13 ecc vii. Historiam Orientalem condidit. Verba ejus  
 sunt cap. 11. ubi de regno Turquestan agit: *Vino totaliter*  
*carent: bibunt Cursiam & alia potulenta quæ conficiunt, &*  
*lac. Risum & milium comedunt atq; carnes, & vocantur Tur-*  
*oe.* Hæc ille.

## CAPUT DECIMUM SEPTIMUM.

### SUMMARIÆ.

1. Potus ex frumento aliq. 2. frumentacea qua. 3. σι-  
 τώδη, & σιτηρά Græcis. 4. potus ex avena, sive βρώμη. 5.  
 Bacchus Bromius. 6. potus avenaceus apud Flandros. 7. Li-  
 thuanos, Moscos, Sarmatas. 8. potus ex milio. 9. parabia.  
 10. apud Aethiopes. 11. Zanna, cana. 12. apud Tartaros.  
 13. buza, bracha. 14. Abaiji, potus apud Brasilianos. 15.  
 potus ex Maiz apud Americanos. 16. ex panico. 17. ex ory-  
 za cum aromatibus coctus. 18. acua, aracle. 19. potus ex o-  
 ryzæ, vi ignis destillatus.

**A**D potus, quos ex frumento fieri diximus, alii etiam per-  
 tinent ex frumentaceis parati, ut avena, milio, panico,  
 oryza. Hæc enim omnia Latinis *frumentacea* dicuntur:  
 Theophrasto lib. I. x. de Hist. plant. & qui illum se. 2  
 quuntur, Græcis cæteris, σιτώδη & σιτηρά dicta. Atque ho. 3  
 rum potuum alii certum nomen invenere, ut illi, de qui-  
 bus hæcenus egimus, omnes: alii partim sine, partim cum  
 nomine nobis innotuere. Et ex avena quidem, sive βρώμη, 4-

l. 3;

jam